



UNIVERSITÄTS-  
BIBLIOTHEK  
PADERBORN

## **M. Ant. Mvreti Variarvm Lectionvm Libri XV**

**Muret, Marc-Antoine**

**Antverpiæ, M. D. LXXXVI.**

Cap. 15. Locus Cæsaris emendatus.

---

[urn:nbn:de:hbz:466:1-70864](https://nbn-resolving.org/urn:nbn:de:hbz:466:1-70864)

quique eius linguæ non ignarus, audito eorum principio, facile reliqua per se subiecturus esse videatur. Sed adfert tamen ea res interdum orationi aliquid obscuritatis, cum ex vna, aut ex altera vocula non quilibet statim prouerbum esse animaduertit, neque eius statim recordatur. Itaque ea quoque res non paucas maculas scriptis veterum asperfit. Quomodo equidem arbitror deprauatum fuisse locum quendam in libro x l i i. epistolarum ad Atticum, vbi ita legitur: *Sed, quaeso, epistola mea ad Varronem valde tibi placuit? Malè mihi sit, si vnquam quicquam tam enitar.* Quis enim hæc postrema verba legens, non sentit insuauè quiddam, & à consuetudine Ciceronis alienum? Cum autem in satis vetere libro, quo me donauit lumen, ac splendor amplissimi ordinis Gulielmus Sirenius Cardinalis, legatur: *Malè mihi sit, si vnquam quidquam tam inita:* fieri potest, vt fallar, sed mihi planè persuadeo legendum esse; *si vnquam quidquam tam inita:* & subaudiendum, *Minerua:* vt significet, se nihil vnquam tam inuita Minerva scripsisse, quàm illam epistolam ad Varronem, ob idque mirari, quòd illa Attico tam valde placuerit.

*Locus Casaris emendatus.*

## CAPVT XV.

**I**AMPRIDEM animaduerti, multa in optimis quibusque scriptoribus ita manifestò deprauata, vt ea ipsa mihi causa fuerit, ne publicè testarer, quomodo emendanda viderentur, quòd neminem ita habere arbitrabar fore, quin id per se videret: maleque mihi videbar iudicaturus de ceterorum ingenijs, si ne illa quidem quæ in oculos inciderent, nisi monente me, animaduersum iri existimarem. Nunc, cum

S

huius

Mureti  
r Lektionen  
LII  
28

huius generis pleraque illis quoque in libris hanc  
 ac residere videam, qui quotidie emendati ab  
 nobis doctissimis prodeunt, dissimulandum  
 non puto: cum praesertim in illa tanta hominum  
 multo maiori, quam ego sum, doctrinae copia,  
 etoque acriori iudicio praedictorum consensus inter  
 addubitare me cogat, ne mihi nimis ipsemet  
 diar, neve solus iis ipsis in locis caecitiam, in qua  
 alios parum esse arbitror perspicaces. Tale est,  
 nunc è tertio libro commentariorum Caesaris De  
 Gallico proferam. Vbi cum dixisset Caesar, in  
 Veragrorum Octodoro, qui positus in valle, ab  
 mis undique montibus contineretur, Galbam  
 aliquot cohortibus ad hiemandum confedisse,  
 quia is vicus in duas partes flumine divideretur,  
 teram parte concessisse Gallis, alteram attribuisse  
 cohortibus: tum deinde cum dies complures  
 norum transissent, subito captum à Gallis consilium  
 renouandi belli, opprimendaque legionis, eiusque  
 rei causa montes qui impenderent, noctu ab eis  
 cupatos, haud ita multo post subiicit: *Hostes ex  
 nibus partibus, signo dato, decurrere, lapides, gessaque  
 vallum conicere. Nostri primo integris viribus fortiter  
 repugnare, neque vllum frustra telum ex loco superiore  
 mittere: ut quaeque pars castrorum nudata defensorum  
 premi videbatur, eò occurrere, & auxilium ferre.* Sed  
 profectò aut ego planè desipio, aut totum illud,  
 que vllum frustra telum ex loco superiore mittere, altero  
 loco positum est. Neque enim in Romanos conuenit,  
 qui, ut constat, in valle inclusi obsidebantur. Sed  
 in Gallos, qui noctu, ut dictum est, iuga impenderent  
 tium montium occupant. Censeo igitur, verba illa  
 statim subiicienda post verbum *conicere*: idque mittere

certum videtur, ut in re perspicua argumentis ab-  
utendum non putem.

*Ovidij locum quendam ex Apollonio Rhodio sum-  
ptum esse.* CAP. XVI.

TERRAM Africam serpentibus plurimis infe-  
stam esse constat: eius autem rei Ovidius hanc  
causam adfert, quod Perseus

*Viperi referens spoliū memorabile monstri,  
Aera carpebat tenerum stridentibus alis;  
Cumque super Libycas victor penderet arenas,  
Cingonei capitis gutta cecidere cruenta,  
Quas humus exceptas varios animavit in angues.*

Quam fabulam videtur hausisse ex Apollonio Rho-  
dio, cuius versus ex quarto libro Argonauticon sub-  
ijciam: quod eos Ovidius non imitatus modò, sed  
propè interpretatus videtur:

*Εἶπε δ' ἰσθμῷ λιβύλων ἀερέπματο Περσῶς  
Ευρυμῆδων, καὶ δὲ τὸ κάλεισκέ νιν ἔνομα μῆτηρ,  
Τορῶν ἀρπτόμων κεφαλῆ βασιλῆι κομιζῶν,  
Ὅσαι κινᾶναι σάγης αἵματ' ἔδασι ἵκοντο,  
Ἄϊ πῖσαι κείνων ὄφρων γέν' ἐβλάσθησαν.*

De quibusdam qui habitū sunt impij, cum ex omnibus  
popularibus suis longissimè ab impietate abessent.

CAPVT XVII.

De Diagora Melio, Theodoro Cyrenaico, aliis-  
que nonnullis ita plerique veteres, quasi de ho-  
minibus summè impiis, loquuntur, quique nullum  
omnino deum esse crederent. Eandem etiam notam  
calumniatores Socrati inurere voluerunt: eamque  
ob causam Aristophanes, quem ipsum ἀθεον fuisse  
non dubito, Socratem Melium vocat. At de Socrate  
quidem

Mureti  
lectiones  
LII  
28